

Headline	Tabung Haji tanggung subsidi		
MediaTitle	Kosmo		
Date	01 Mar 2019	Color	Full Color
Section	Negara	Circulation	155,996
Page No	1,4	Readership	467,988
Language	Malay	ArticleSize	331 cm ²
Journalist	N/A	AdValue	RM 8,623
Frequency	Daily	PR Value	RM 25,869



Meliputi jemaah haji Muassasah kali pertama termasuk jemaah rayuan

Tabung Haji tanggung subsidi

KUALA LUMPUR — Lembaga Tabung Haji (TH) akan menanggung semua subsidi bagi jemaah haji Muassasah kali pertama termasuk yang membuat rayuan untuk menuaikan haji tahun ini.

Menteri di Jabatan Perdana Menteri, Datuk Seri Dr. Mujahid Yusof Rawa dalam kenyataan media semalam berkata, keputusan itu dicapai selepas beberapa perbincangan bersama Lembaga Pengarah TH.

"Keputusan Lembaga Pengarah TH ini dibuat selepas mengambil kira pelbagai aspek termasuk keupayaan dan kedudukan unjuran



TABUNG HAJI

kewangan TH bagi tahun 2019. "Justeru, dengan pengumuman terbaharu ini, kos tanggungan TH untuk musim haji tahun ini ialah sekitar RM400 juta," katanya.

Mujahid berkata, sebelum ini pelbagai dakwanan mengelirukan timbul terutamanya berhubung isu kos jemaah yang membuat rayuan haji meskipun pada masa itu perkara tersebut belum dimuktamadkan.

Pada 14 Februari lalu, Mujahid mengumumkan bayaran untuk menuaikan haji bagi

jemaah haji Muassasah yang menuaikan haji kali pertama kekal RM9,980 dengan kerajaan menanggung subsidi

sebanyak RM12,920.

Kos menuaikan haji tahun ini ialah sebanyak RM22,900 berbanding RM22,450 pada musim lalu.

Kuota haji jemaah Malaysia untuk musim haji tahun ini kekal sebanyak 30,200 orang.

Kerajaan memutuskan untuk mengekalkan subsidi jemaah haji Muassasah yang menuaikan haji kali pertama bagi musim ini meskipun berdepan cabaran kewangan.

Sehingga kini, TH belum memuktamadkan atau mengeluarkan surat tarawan kepada semua pemohon rayuan haji yang berjaya. — Bernama

TABUNG Haji akan menguruskan seramai 30,200 orang jemaah Malaysia yang menuaikan haji pada tahun ini.
— Gambar hiasan

